

Q. F. F. Q. E. J. D. T. O. M.

De

MAJESTATE

DISSERTATIO,

Qvam III

DIVINA FAVENTE CLEMENTIA,

Ex Suffragio Ampliss: FAC. PHILOSOPH:

In Regia Universitate Aboënsi,

DIRECTORE

Celeberrimo VIRO

M. DANIELE ACHRELIO,

Eloquentiae Professore Regio & Ordinario, nec non Rectore hoc anno

MAGNIFICO,

*Liberalis exercitii Publicis specimenis loco,
examinandam modeste propeno*

JOHANNES THURONIUS,
FINLANDUS.

Ad diem 14. Decembris Anni M. DC. LXXXVII.

In Auditorio Superiori.

A B O Æ,

Exc. apud Joh. L. WALLUM, A. T.

HELSINKI
UNIVERSITY
LIBRARY

Ornatissime

Dn. RESPONDENS

Quæsitum est à prudentibus; Quænam ingenia ad promovendam gloriam Dei, honorem regnum & salutem gentium sunt maxime accommodata? Et responsum tulerunt dudum a rerum peritis, ILLUSTRIA; ea scilicet quæ nec stultitia scatent, nec invidia ardent, nec avaritia pluunt, nec praviloquiis publicam pacem, honestatem naturalem & utile publicum, tum collegiorum fidem turbant lacerantq; Unde optamus auspicia regalia, sinceram pietatem & justitiam tam celestia capita extra limites regnum, & doctorum universitates ejeere & relegate, ut intelligant quæ reverentia Deo, quæ Devotione Regibus, quis honor Concivibus merito justeq; est tribuendus. Vel hæc materia de Majestate regum Principumq; quot habet osores. quot hostes & occultos & apertos? Legantur doctorum placita & res erit aperta. Proinde mi Thuronii Tuosconatus laudo quod in ista æratula ausus sis de maximo & profundissimo argumento, cui par non habet rerum civilium orbis, tam erudite & castæ disputatione, sic perge, quod vovet ille qui sincere manet nominis Thuroniorum,

Fidelis estimator
DAN. ACHRELIUS.

Ad Pereximiam Dominum Auctorem
Discursum suum de MAJESTATE De-
fensurum.

Ardua magnarum nitet hoc in gloria rerum
Discursu, primum quo bene surgat opus
Explicat hoc pulchre, quid summum munus
Olympi

Magnis que fuerint dona propinqua Diis.
Immortale deus, mortalibus addita regnis
Majestas, Faciem Numinis alta tenet.
Hec cœlos, hec ima regit nos subjicit uni
Inus at a multis, ut timeatur homo
Differis hec Cognate, tuos Deus adjudet au-
sus

Magnus eris aliis & tibi magnus eris.
Te Majestatis defendit gratia summa
Regia Majestas, jure tuetur, amat.

raptim

ABRAHAM JUSLENIUS

AD JUVENEM

Erecta indole conspicuum & virtute ac literis
eximium,

DN. JOHANNEM THURONIUM
Amicum singularem, docte & politice
de Majestate disputantem,

Dicite Thuronio claræ virtutis a-
lumno (des,

Conspicua encomiis carmina Pieri-
A teneris qvoniā sectatus castra sophiæ
Musa tuum nitido einget honore
caput.

Ingeni specimē generosi dogmate docto
Prodis dum docte differis ipse satis

Qvid sit *Majestas* tacito venerabilis ore,
Purpureo regis conspicienda finu

Vah quantum prodest insomnes ducere
noctes

Et tenerū studiis condecorare caput,
Hinc Ti jam merito gratulor quod si-

dere fausto
Aonidum sedem, pulpita docta petis.

Officii & sinceri affectus declarandi
gratia festinus adposuit

JOHAN. FLACHSENIUS
Junior.

Ad Dissertationis hujus eximiæ Perexi-
mitum AUCTOREM, amica gra-
latio.

Ingenium solers, quo polles, Docte THURONI
auraicæ nostræ portio clara scholæ,
Vilia non curat, nec chartis mandat inepta,
Dum studiis quæ sunt ardua, semper amat;
Et profert grandes magno conamine fatus;
Quos inter, quam nunc edidit, euge, bonis
Per placet & Doctis, hæc Dissertatio præsens,
Quæ quid Majestas, monstrat abunde satis
Gratulor ergo Tibi latus cui tam vigor ingens
Contigit, ingenii, tantus amorq; boni;
Et precor, ut pergas, toti inclarescere scriptis
Egregiis orbi! præmia larga parat
Interea, tu crede mihi, Tibi, Rex, Dominusq;
Cæli eunctipotens, omnis origo boni.
Cum nequeam raptim, plures componere re
versus,
His clando; ipse Vale, flos Juvenumque
decus!

Hæc pauca ut æqui boniç consulas
optat tuus integræ fidei.
ERICUS TAMELINUS

Impetriximum Dominum Responderem amicum
Et fide Et constanter mihi incomparabi-
lem, carmen

SIVE EPHEMERICON, SIVE EROTICON

Euterpe & pulcher Apollo
Nec non Poiymnia dulcis
Cum Pindi docta Phalange
Parnassi ascendite culmen
Monstrat quid easta Minerva,
Vobis iam attendite quæ so
Rarum est. Rheniq; colossum
Polycleteosq; labores
Gnidie celeberrimæ honorem
Mirandaq; multa parata
Quæ Tellus italia monstrat
Superat splendore corusco;
En! non opus impiger Hermes
Quascunq; accesserit oras
Subeat quæ climata mundi
Lustret seu Teutonis orbem
Seu celtica rura peragret
Extrema ad littora Thales
Offendet clarius ullum
Phæbus quam & "diva Minerva
Heliconiadum inter alumnos
Sataguntque ostendere cunctis.
Pallas quæ foeta vocata est
Peperit, mirabile dictu
Factum, qui nobilis audit,

Fætus

Fætus sed pondere fœtus
Gravis est variet quoq; partum;
Hic est THURONIUS ille
Nuper de Pallade natus
Parit is nunc dogmata docta
Ut disquisitio præsens
De MAJESTATE suprema
Regni, Regumque potentum.
Nobis monstrat abunde,
Igitur nunc docta juventus,
Concentum voce sonanti
Meeum non edere cesses
Huic nato Palladis almae,
Concordes Psallite musæ
Cantate & carmina multa
Sit vobis vena Maronis
Perdivite perlita succo.
Vestros vos singite ludos
Zephyrisque afflate serenis.
Deductum dicio Clio
Carmen, resonante Thalia!
Sinuosi Nomen olympi
Tenui quoque carmine posco
Tibi det nunc prospera fata
THURONI tempore quovis!

Hac θεοσΦωνίσαι λογχεδιασική in-
timo suo gratulabatur,

LAURENTIUS TAMMELINUS.

CANDIDO LECTORI salutem
& officia!



Llum sane non immerito,
euncti Illustres excellenti-
um ingeniorum salutant
vigorem, qui semper in
delectu, scrutinio ac e-
volutione grandium sudat argumento-
rum, id etenim est verum societatis humane
gaudium, certus animarum pastus, sincera
bonorum laus, ingeniorum deliciae & deniq;
vulcerrimum Academiarum decus atq; orna-
mentum; è contrario vero alieno arare viti-
o aliorumq; labores speciosè exscribere, nec de-
dere generosum aliquod pectus, nec augere
bonorem disciplinarum Academiarumq;, mul-
to minus ornare hoc nostrum tam delicatum
œulum, sincere ac ingeniose judicant. Qua-
e in variorum inventionum dignitate, intet
erum tractandarum pondere ac gloria sibi ex-
nimo plaudunt atq; gratulantur generosè il-
& mentes, iniquaq; Invidorum judicia ac æ-
nulorum qui id quod cordatores limis adspic-
iunt oculis debitag; humanitate candide ex-
piunt, sceleratissimo quo dam superclio de-

A

spiceré

spicere summoque exponere ludibrio non dubitant, superba incantamenta non solum non extimescunt, verum etiam maxima animi quæ illarum propria est alacritate contemnunt spernuntque. Ad harum itaq; normam & exemplum me componens principale illud naturæ munus, augustum nempe Regale autopictum, mihi jam jam paucis delineandum suscipere ausus sum; Et licet ingenue fatear, hocce tam grave argumentum simplici hac consideratione obfuscari potius quam illustrari, tamen quia adeo immensum mare tranandum, cujus frementes gurgites tumentesq; fluctus etiam natandi peritissimos saepissime penitus absorperunt, campumque amplissimum peragrandum ingressus sum, omnes cordatos meam hac in re simplicitatem candidè defensum ituros certo confido, quippe in grandis alicujus Materiæ evolutione ut ut non reperiantur aliquod dispositionis acumen, tractationis sublimitas ceteraque quæ altam saperent sapien- tiam, prolixa omnino voluntas & navata opera merito agnosci debent. Vale igitur Lector Candide & ut hoc ingenij mei Munuscum favori sinceritatij tuae dedicem, admitte.

I. N. J.

MOMENTUM I.

Discursus præliminaria paucis evolvet.

Inter cæteras supremi numinis sacratissimas ordinationes admirandaq; manuum ejus opera, in quorum assidua contemplatione mortales etiam ii, quibus provida rerum parens natura, immensam discendi alacritatem implantavit & quorum ingenia solidissima sunt subacta doctrinâ, non solum prorsus labefactantur, verum stupentibus omnino similes hærent, maximum facile citra omnem controversiam sibi vendicabit locum, fulgentissimum illud decus & præcipuum divinæ indulgentiæ munus, *Majestas*, qvæ ab imperiorum auspice DEO immortaliter derivatur, solisque hu-

manarum rerum *Dominis* ab eo
communicatur; Itaq; exigente ne-
cessitate ut exigui mei ingenii clau-
stra hac vice reserarem, simul eti-
am invitante cum augustissimi hu-
jus argumenti sublimitate, tum e-
jusdem dignitate ac eminentia,
illam pro ingenii medulo deline-
andam mihi suscipere ausus sum.
Et licet non ignoraverim hujus-
modi illustris materiae splendore in-
dignum esse umbraticas vocum ac
verborum captiunculas sectari, ta-
men ne tam superciliosus videar,
ut maximè laudabilem qui apud
singulos Philosophorum jam pri-
dem invaluit quiq; omnium com-
modissimus à plerisq; merito cense-
tur morem, cōtemnam, generali-
ora quædā, adeo tenui quod à mea
simplicitate alienum non est, cala-
mo

mo modeste exeqvar, deinani ver-
borum copia vanoq; rationum cu-
mulo, qvæ Majestatis existentiam e-
vincerent, non adeo sollicitus, cum
neminem tam stolidæ mentis esse
ut de illa, qvin detur, ne dubitare
qvidem audeat, sva deat natura, e-
doceat doctissima rerum magistra
experientia. Ipsam ergo sine qva
non apte considerari multo minus
rectè intelligi potest aliquares, nūc
aggrediar definitionem, ubi omui-
um primo ut vocant *Etymologiam*
seu ipsam vocis originem indagan-
dam esse, poscunt justæ methodi
leges, urgent veneranda atq; augu-
sta veterum monita, quibus etiam
num fretus *Majestatem* à magnitu-
dine, vel satius secundum Beccina-
num inCellar; p, 174 à voce Majus,
veluti à tempus tempestatem, de-

ductam deprehendo, eo qvod am-
plitudinem, decus ac dignitatem
status eminentioris aut sanctioris
ut plurimum denotet; Exploratā
jam vocis origine se considerandā
præbet ejus varia acceptio, qvā in
re omnium ætatum scriptores à se
invicem adeo discrepasse experior.
Pleriq; enim vocem illā sæpius pro
dignitate, amplitudine, auctorita-
te, eminentia, reverentia & magni-
tudine usurpant, unde majestas cō-
sulū, majestas matronalis, maje-
stas viri apud Livium; majestas tri-
bunitia, majestas oris vultusq; & si-
miles locutiones ortæ. Verū has ac-
ceptiones omnes non iñeritò rejiciunt Recentiores, dum hoc voca-
bulo summam designant potesta-
tem, quæ græcis scriptoribus τὸ κύ-
ρον τῆς πόλεως ἡ πρώτη ἀρχή, τὸ αὐτοκέφαλον, ἡ
τῶν ὄλων ἔξοιτα, τὸ αὐτοκέφαλον. αὐτοκέφα-
λον,

νέα τὸ πολίτων &c. Romanis vero rerū
summā, rerum imperium, summum imperium,
arbitrium rerum omnium, vis imperii, sum-
mum rerum judicium appellatur. Sed
ne in horum levium ulteriori dis-
cussione amplius hæream, ipsam
descriptionem majestatis afferre est
animus: mihi statuenti, unā cum
Grot. in I. de J.B. & P., 3. n. 7. cam esse
summam civilem potestatem, cuius actus al-
terius juri non subsunt, ita ut alterius volun-
tatis humanae, arbitrio irriti reddi possint,
generis quidem loco ponendo,
potestatem, ad quam necessi-
fario requiritur ut sit summa quili-
bet facile intelligit: vocaturque
summa non solum ideo quod
non agnoscat aliam aliquam vel
sibi æqvalem, nedum superio-
rem potestatem nisi Divinam, ve-
rum etiam quia conditor ille uni-
versi qui eam constituit nulli ho-

minum sed sibi soli secundam &
proximam fecit, qvod Regius ille
Psaltes demonstrare videtur Pl. 51.
v. 6. in hæc verba erumpens *Tibi*
soli peccavi. Unde etiam in sacris
pandectis Dei in hisce terris vica-
ria qvæ ejus vices in certo cætu re-
fert legisq; munus, omnem har-
moniam concinnantis vivo quo-
dam præsentissimoq; exemplo o-
bit, saepius appellatur, nec ullo hu-
mano arbitrio aut vi cogitur, ne-
que judicatur vel læditur nisi per
arma & fcelus. Ut loquitur Claris-
simus Bæclerus Inst. Polit. l. 2. c. 1.
Proinde summa dici meretur qvia
notum est in ordine divinitus præ-
cepto, summo aliquo opus esse, à
qvo in cætu jubentium parentium-
que cætera omnia pendeant & ad
quod iterum referantur. Jam vero
ad

ad cætera favente divinâ gratiâ
transgredi jubet brevitatis atqve
instituti ratio, ad veritatem enim
tuendam scribo non ad pomparam.

MOMENTUM II.

*Originem Majestatis à Deo esse demon-
strabit.*

Originem Majestatis nemo sanæ
mentis aliunde quam à Deo im-
mortali, qvamvis hominum, qui in-
strumenti tantum vices implent,
accedat opera, reperendam esse
adseret: religio namqve summa est
recedere ab auctoritate sacri ora-
culi, quod potestatis hujus sumæ
auctorem plurimis in locis depræ-
dicat cælestē numē, *Prov. c. 8. v. 15. 16.*
extat: *Per me Reges regnant & legum condi-
tores justa decernunt, per me Principes im-
perant, & potentes decernunt justitiam.* *Dan.
c. 2. v. 21.* Deus transfert regna atq; constituit,
qvod etiam Divinus ille vates ne
quid

quid dubii intersit, adeo confirmat,
dum jura quoq; Majestatis à Deo
pendere illustri sermone evincit
vers. 31. *Tu Rex Regum es : & Deus cæ-
li, regnum & fortitudinem & imperium &
gloriam dedit tibi.* Cætera Scripturæ
dicta quæ Majestatem à Deo de-
ducendam satis evincerent, huc
producere è re non esse arbitror.
Unus tantum propter singularem
suam excellentiā Novi Testamen-
ti locus hic collocari meretur, nim.
Epist. ad Rom. Cap. 13. ubi mox
in frontispicio extat, *Non est pote-
stas nisi à Deo quod etiam caput,*
*Christianorum Politicam una cum Phi-
lippo Melanchtöne nominare non*
dubitaverim, quippe ibi S. S. per
*Apostolum, imperantium potesta-
tem atq; Majestatem à Deo esse*
verissimè affirmat Deiq; vicariam
*in hisce terris ac ministram appel-
lat, de-*

lat, deinde jura illius nempe vitæ
& necis, tributorum, vestigialium
sæliorumq; apertissimè recenseret
nec non timore, obsequio ac ve-
neratione omnibus prosequen-
dam commendat. Nec ignorar-
runt hoc olim Ethnici, quamvis
densissimis tenebris obducti, quod
inter cæteros imprimis probat Tac-
itus, dicendo *Deos dare summum rerum
judicium Principibus.* Idcirco si quis
Reges à Deo arctissimè quadam
catena dependere dixerit non er-
rat: quia in Regibus, qui se tan-
quam præsentissimè quadam Ma-
jestatis imagine referant, se sum-
mopere colendum perhibet, ad te-
norem præcepti quarti, nec non
ea quæ totius hujus mundi guber-
nationem concernunt, per eos ve-
luti destinata sibi organa poten-
ter exequitur eorumque actiones

non

non vero ~~et~~ diligenter sovet
ac moderatur, quod patet ex isto
Symbolo. Dat Salutem Regibus, Magnificat
Salutē regnantium, docet Manus eorum ad præ-
lium, & digitos ipsorum ad bellum. Et Prov.
c.21:b.1. Cor Regis in Manu Domini est & sicut
divisiones aquarum quocunq; voluerit incli-
nabit illud. Et quamvis suum ho-
norem Regum honori conspira-
re vult Deus, tamen eos sibi &
nulli alii secundos proq; suo be-
neplacito mutabiles facit, ut eo-
rum sit gubernator & Dominus ab-
solutissimus; Unde etiam facile
constat si res aut culpæ me-
ritum ita ferret, quod Deus im-
probos Reges populo in vindic-
tam malorum præponi permit-
teret, debitum ei omnino hono-
rem & obsequium adhibendum &
Dei voluntati non repugnantia
præ-

præcipienti obtemperandum esse, absolute enim summos & nemini præter quam sibi administrati regni rationē reddituros constituit, quod firmat Ecclesiastes C. 8, v. 2. & seqv. *Ego os Regis observo & præcepta juramenti Dei. Ne festines recedere à facie ejus neq; permaneas in opere malo, quia omne quod voluerit, faciet, & sermo ejus potestate plenus est: nec dicere ei, quisquam potest, quare ita facis.* Proinde argumenti loco erit & hoc, quod Reges non paucis in locis Sacræ Scripturæ undi Domini appellantur, & unitio illa in singulare supereminentis potentiaz *τεκμήσεων* à Deo superinducta est disertissimum divinæ auctoritatis Symbolum atq; Sacramentum; exemploque erit Saul, quem de humili sorte ad Regale fastigium erectum David adeo venerabatur, ut desertum de-
stitu-

stitutumque à militibus suis, folio,
cui se divinitus imponendū nove-
rat, non solum deturbare ac læde-
re non ausus fuit, verum etiam toto
animo detestabatur, ut in uncum
Domini manus violentas intende-
ret. In contrarium vero niten-
tibus hoc in argumentum cessit,
quod Divo Petro Epist. 1. C. 2. v. 13.
Potestas vocatur *ordinatio humana*,
sed quam remisso arcus nervo
hæcce vibrent tela, cuivis facile
constare reor, quippe vocat Apo-
stolus illam humanam ordinatio-
nem non quod ab hominibus exco-
gitata, verum quod inter homines
ab ipso Deo constituta sit, prout
etiam vox illa ἀθρωπίη ab inter-
pretibus quibusdam est expo-
sita, quod significet potesta-
tem humanæ naturæ convenien-
tem

tem, quam Paulus ad Romanos
C. 13. v. 2. vocat *ordinationem divinam*,
quæ Summam meretur obedientiam
ac venerationem, quam animo
in re legitima qui excusserit,
Deum ipsum excusserit, nam eum
qui potestati resistit, divinæ ordi-
nationi resistere, ait per Aposto-
lum *Æterna Sapientia.*

MOMENTUM III.

*Summam potestatem, supra populum esse
inter quem nulla mixtura sed ordo
datur, aliquo modo explicabit.*

Potestatem eorum qui in Regali
fastigio constituti sunt, supra o-
mnem populum esse statuo: ve-
rum ne hujus rei veritatis licet
exploratissimæ, iniqui censores lu-
gillent, facilius hoc dici quam e-
vinci, rationes quasdam pro te-
nuitate ingenii ad hanc tuendam

ad-

adferre placet, inter quas nequaquam minimum est hoc, quod jam multis probatum; Reges scil. à Deo esse, qui eos sibi proximos atq; Majestatem eorum tanquam vivam ac spirantem sui imaginem heic in terris vult haberi, quapropter etiam eos in Sacro Codice plurimis in locis DEos nec non Excelsti filios vocari comprehendimus, quæ satis superq; probant DEum voluisse Reges omnino esse supra populum. Deinde Majestatem supra populum esse firmissime evincunt varia Sacræ S. loca utpote Prov. c. 16. v. 14. & 15.

Indignatio Regis nuntius mortis: Et vir sapiens placabit eam, in hilaritate vultus Regis vita: Et clementia ejus quasi imber Serotinus Prov. 19: 12. Sicut fremitus Leonis, ita Regis ira. C. 20. v. 3.
Sicut rugitus leonis, ita Regis terror: qui
propositus

provocat eum peccat in animam suam. i.Pet.
2.v. 13. & 14. Subjecti estote omni humanæ
creatura Propter DEum ; sive Regi , quasi
præcellenti; sive Ducibus, tanquam ab eo mis-
sis ad vindictam malefactorum, laudem ve-
ra bonorum. Exemplum nobis pro-
inde subministrat primi Israëli-
rum Regis creatio qui à DEo ipso
ad tales potestatem quæ populū
sibi subjectum atq; obnoxium ha-
beret eoq: superior semper existe-
ret constitutus est quod fateri ne-
cessum habemus à verbis Dei ad
Samuelem factis, *Uinges eum Ducem su-*
per populum meum, quæ verba mox
explicat ipse Deus his, ecce vir quem
dixeram tibi iste dominabitur populo meo.
Confirmat idem Populi Israëli-
tici exemplum qui Regem flagi-
tarat ut se judicaret, quod idem
ac cum imperio præcesset nemine
inficias ire arbitror. Verum ut

B

ab ex-

ab exemplis ad rem ipsam trans-
grediar, non possum mihi non per-
fusatū habere, hoc vocabulum su-
per neq; in sacro Codice neq; ali-
bi aliter posse accipi aut explica-
ri, quam ut se esterat atq; attollat
ipsa sui vi efficaciaq; super ea o-
mnia qvæ inferioris sunt gradus,
in sacris [namq; literis hæc reperi-
untur pari paſtu ambulare, Domi-
nari alicui & esse super aliquem,
quod exactissimè testatur exem-
plum Gideonis quem Populus J-
ſraēliticus cum olim sibi imperare
vellet his verbis alloqvutus est: *Do-*
minare nostri quod statim ille re-
ges sit, Non dominabor uestri sed dominabitur
vobis Dominus. In Nōvo quoq; Te-
ſtamento Salvatur noster eadem
in otatione non indigitat aliud, ni-
ſi qvod inferius obnoxium & sub-
jectum

jectum est, quomodo Discipulos
suos alloquebatur omnem ambi-
tionem ex animis eorum eradica-
turus. *Reges inquit gentium dominan-*
tur illis, vos autem non sic. Nec minus
id potest probari ex mandato, ju-
gum meum super vos tollite, quo ostendit
Salvator jugo esse services sub-
mittendas, incurvandas deprimen-
dasq;. Quæ ad hujus rei assertio-
nem ex sacris literis mihi satis suf-
ficere videntur, inq; sensum com-
munem eum peccasse dixerim, qui
illud vocabulum, *super*, aliter ac-
cipere conatur, tota namq; vocis
illius vis atq; efficacia nil aliud ex-
primit quam non esse inter prin-
cipem populi q; mutuum juben-
di & parendi ordinem, verum o-
mne jus atq; imperium penes u-
num Regem esse, populum vero

in omnibus debere obsequi. Cæ-
terum, majestas est superior & o-
mnibus alius major status, non po-
test cogi ad agnoscendum supra
se populi imperium, si enim po-
pulus est supra Regem & ipse quoq;
Rex erit supra populum, duo da-
buntur summa, quod absurdo ab-
surdius, nam eo modo neutrum erit
summum quod in ac per se & ab-
solute summum dici mereatur.
Fingatur talis status ubi utrisq;, &
Regi & populo Summa compe-
teret potestas, mox patebit plura
inde oriri incommoda quam ver-
ba, nusquam eo in statu reperi-
retur aliqua concordia verum in-
vidia quæ omnium vitiorum ori-
go est innumeræq; dissensiones;
Duobus quippe solibus orbis regi
nequit, & nemo sibi imperandi
genus

genus firmum, stabile & diuturnū
ne imaginari quidem potest, quod
divini simulacrum non gerat atq;
cælici ordinis harmoniam, ei ve-
luti correspondendo, repræsentet,
omne vero regnum divisum ad-
versu seipsum desolari docent
nos verba Salvatoris. Consideran-
dam porro se præbet politicæ ne-
cessitatis ratio, cum in administran-
do imperio plura requiruntur in-
strumenta nimirum Magistratus
inferiores, ministri, officiales, qui
quidem potestatem ac jurisdictionem
in sibi subdita exercent, ve-
rum demandatam delegatamq;
ac ut rem verbo complectar, non
possunt se ipsos creare neq; offi-
cij formam sibi præscribere sed à
nutu supremæ Potestatis, unde de-
pendent, quo iterum sunt redu-

cedi atq; referendi: manet ergo
certo certius ut etiam loquitur *The-*
od. Gravinkelius in dislert. de ju-
re Majestatis, Cap. 7. quod Po-
pulus agat sub imperio Magistra-
tum, Magistratus sub imperio Re-
gum. Reges sub imperio nullius
nisi Dei, qui eos super populum
constituit & quæ à se ad univer-
si constitutionem concepta atq;
decreta sunt, per eos tanquam di-
lecta ac destinata organa, poten-
ter explicat & exequitur, nec nul-
lam esse in populo nec penes eum,
potestatem quæ Regi non sit sub-
jecta, imo ne nomen quidem po-
testatis, qvæ super Regem aliquod
imperium affectet, quod ex scri-
ptura S, exemplis Regum Iudaici-
carum iam satis est declaratum.
Sed ne veluti fasciis involutus uni-
us hu-

us hujus gentis ambitu inclusus
videar, aliorum loco erit Profetæ
Esaïæ caput 45. ubi hæc habentur
verba: *Sic ait Dominus unctio Iuo Cy-
ro*, qui non dum in rerum natu-
ra erat, nec erat futurus antequā
peractis duobus seculis, sic enim
testatur Josephus Antiquitat. Jud.
lib. 7. Deinde divini beneplaciti
circa potestatem hanc summam,
nuncquam aliud illustrius potest
dari exemplum, quam in Nebu-
cadnezare, quem quilibet sanæ
mentis non solum immanem sed
etiam plusquam belluina feritate
Tyrannū meritò nominet, tamen
Deus te illum supra omnem po-
pulum constituisse inq; illius po-
testatem omnes regiones omnes
gentes & bestias quoq; agri se tra-
didisse saepius ait: quare omnino

statuendum Deum dare non tan-
tum Regibus Christianis & pijs, sed
Ethnicis quoq; & impiis summam
absolutissimamq; potestatem, qua
nihil in hisce terris majus, nil san-
ctius nihilq; augustius unquam ha-
beri debet.

MOMENTUM IV.

Essentialia Majestatis paucis absolvit

Majestas est repræsentatio
quædam potestatis & plen-
dor supræmæ iurisdictionis, vis
quædam quæ auctoritatem & o-
bedientiam sibi concliat. Custo-
dia & Salus est Principatus. Qvan-
to magis hominum fugit frequen-
tiam, tanto magis in veneratio-
ne est. Contemptu & odio in
discrimen venit. Nec æqualitatem
pert nec divisionem, quia in admi-
ratione & unitate est posita, loqui-
tur e-

tur egregiè summus Politicus Didacus Savedra in Idea Principis Christiano Politici, Symbolo 61. quæ verba Majestatis requisita clarissimè demonstrant, & si quis ea illustrare contendat verius obsecret. Sufficit ergo ad Majestatem quod etiam prius innuebam ut sit absolute summa nulliusq; arbitrio subjecta unde facile constat omnē vim externam ab illius statu ac conditione remotissimam esse, est quippe aliquid perfectum in quo reapse concurrunt omnia qvæ essentialia requisita sunt ejus perfectioni constituendæ, quodq; in se constat atq; subsiftit, se ipsum absolvit & determinat, se ipsum implet totumq; est cui. Quanta proinde sit Majestatis dignitas, tatis evinnet tu ex iis quæ naturæ e-

ius repugnant, utpote, alterius ope
& auxilio ad vim suam exerendam
egere, ab altero sustineri regiq;, al-
terius juri aut vi obnoxium esse,
se ferrealicui fiduciarium, precario
aliqvid tenere atque usurpare, cum
ex iis quæ ei competant, eidemq;
tanquam propria sunt, quemad-
modum reginem in omnia & o-
mnes pro jure suo, ejusq; exerci-
tium & ejusmodi alia. Denique
in se collecta stat Majestas, ma-
jor est omni lege, nullis finibus
circumscripta, nullo temporis spa-
tio actata; Qvare apud Roma-
nos olim Dictatoribus & talibus
Proregibus Vicarijsq; qui nunc
in quibusdam imperiis vigent, Ma-
jestatis dignitas nequaquam com-
petere potest, cum non habeant
ut ut valde specioso sui juris titulo
præful-

præfulgeant, potestatem summā
eamq; perpetuam verum tempo-
rariam, fiduciariam, vicariam atq;
precariam, unde veræ Majestatis
abhorret natura. Concludo itaq;
hoc momentum Tertulliani di-
cto, Reges in solius Dei sunt po-
testate, à quo sunt secundi, post
quem primi, ante omnes & super
omnes.

MOMENTUM V.

Majestatem supra leges quoq; esse evincet.

Nullus unquam hominum hodie
reperitur in cuius ore non au-
diatur Principem lebibus solutum esse,
neque ii tantum qui non nihil su-
pra vulgus sapere videntur, verum
ipsū vulgus id quoq; sēpissimè sin-
cerè dicit. Sed si res paucis accuratis
inspiciatur vix & ne vix quidē repe-
riat.

riat' multos. *Millibus* ē cunctos no-
minum consultus Apollo, qui in illius
rei veritate explorandā rectam in-
stet viam, quippe solutus propriè is
non potest dici, qui nunquam
adstrictus fuit; ut enim privatio
præsupponit habitum, ita solutio
aliquem nexum. Verum magis
in perplexo est num is qui ad Re-
gale fastigium evectus est, &
post Deum absolute summam po-
testatem exercet, in tantum su-
pra leges sit, ut illas excedens aut
violans à nullo præterquam solo
Deo puniri possit? Audent hęc
negativè asserere plurimi quorum
commenta non adeo magni me-
ficien tem sicco præterire pedeſju-
bet instituti ratio, contrarium ve-
rò sequentia videntur evincere ar-
gumenta, utpote si majestas est

sum-

summa impērandi potestas nec
superiorem ne dum parem agno-
cens, necessariō omnino sequi-
tur illam ab omni alieno imperio
impulsive solutam esse. Deinde
quia ab unico Principe omnes re-
liquæ potestates derivantur, con-
firmantur ac Sustentantur, nec
in Republ. vel extra eam quispi-
am erit qui Principi civiliter
imperare possit; Denique si Rex
esset obstrictus legum vi coacti,
væ, obligaretur imperio vel sui i-
psius vel exteri alicujus Principis
vel subditorum, quod plane ab-
surdum esse cuivis facile constat.

Cæterum pro determinandâ
hujus rei veritate ē re maximè ef-
fe arbitror inquirere, de quibus
legibus hoc procedat; de legibus
divinis quin obligent nemo ambi-
git,

git, cum Deus in multis S Scripturæ locis appelletur Rex Regum & Dominus Dominantium, debeatq; iis obtemperare Rex non tantum ideo quod heic in terris vi-ces ejus gerat, verum etiam quod sit homo ad imaginem Dei crea-tus parique jure cum omni-bus erga creatorem obligatus. De lege naturali res non adeo est in proclivi; verum quatenus lex naturæ est lumen vultus divi-ni ut dicit Regius vates , *Im-pressum est nobis lumen vultus tui Domine* & velut inquit Gerhardus de Ma-gistr. Pol. §. 217. *Lex naturæ est ribulus quidam ex fonte legis æternæ que in Deo est, deductus, ac divinae illius lucis Sapientiae scilicet & justitiae in Deo quidam radi-us, & paulo inferius, lex naturæ immota est, immutabilis & perpetua, impium itaq; est dicere aliquem eā esse solutum.* **Natu-**
rali ju-

turali juri succedit gentium jus, quod
a naturali jure non multum discrepat,
eoq; omnes attineri, prout considera-
tur ut divinæ iussionis dictamen vimq;
habeat & conformitatem cum lege Dei
sumi legislatoris statuo, quo me valide
impellunt: verba Apostoli Rom. 2: 14.
gentes quæ legem non habent, naturaliter
ea quæ legis sunt faciunt. De legibus vero
civilibus hoc loco sermo nobis & prima-
rio est, quas in fundamentales & non fun-
damentales distingvunt scriptores Po-
litici, fundamentalib⁹ qui subesse volunt
sumas potestates, pauci non sunt, freti his
rationibus quia hæ leges sunt quibus
tanquā fundamento ex consensu com-
muni nititur respublica, quibus etiam
sublatis statim illa quoqne evertitur &
ad minimum in aliam formam muta-
tur. Deinde dicunt haſce leges non
modo instrumenta esse regni ut ejus
administratio secundum illas sit diri-
genda, sed etiam ita immediate ac
principaliter ipsum regnum spectare,
ut ipsum in iis consistat atq; subsistat;
Ideoq; in ipsum regnum peccare ajunt
eum

eum qui in leges ejus fundamentales
involare aut committere aliquid au-
det, cum sint quæ Principem consti-
tuendum sibi proponaut, non consti-
tutum, & si aliquando constitutum
agnoscant, non aliter agnoscunt, nisi
suo dictamini obstrictum: Sed minus
ut videtur recte, si potestas illius respi-
ciatur absoluta, de qua heic ubiq; fer-
mo est, potest enim Rex qua ta-
lis i.e. Majestatis plenariæ compos, e-
tiam eas leges mutare, si de jure quæ-
ritur. In se namq; collecta stat Maje-
stas omni lege civili major & nullis li-
mitibus circumscripta, nullo tempo-
ris spatio arctata. Id vero quod ha-
ce leges se servaturum jurat Rex non
legum vi ac potentiaæ coactivæ, sed il-
lius voluntati ac virtuti tribuendum,
cum non teneatur iis per modum sub-
jectionis sed conventione quadam &
pacto inito cum subditis, ad conser-
vandam imperii dignitatem. Deinde
hoc se patrocinari volunt quod in lib.
I. Cod. de leg. hæc habeantur verba:
digna vox est majestate regnantis, legibus
alligatum

alligatum se Principem profiteri. Adeo de au-
toritate juris, nostra pendet auctoritas & re-
vera majus imperio est, submittere legibus
Principatum. Verum frustra fortassis,
cum dictum illud nequaquam eo colli-
met ut Princeps legibus velit adversari,
ac illa vox *Digna* agat de officio
Principis non vero de potestate illius;
de qua hic sermo est. Deinde jubent
illa verba ut ad exemplum se compo-
nat non vero ad præceptum; quia vi-
vere secundum leges non repugnat Ma-
jestati, sed subjici obligariq; vinculo illa-
rum quam maxime. Interpidè itaq; Ma-
jestatem absolute supra omnium legum
civilium vim compulsivam esse statuo,
fretus non tantum naturæ illius, quæ
cum superiorem non agnoscat nec po-
test pati aliud aliquod quod se legibus
subjiciat aut ad earundem obedientiam
cogat, verum etiam conditioni legum,
quæ scita sunt superioris potentiae ut in
officio contineantur ii, quibus obsequii
gloria relicta est & qui suum officium
facere detrectant. Movet me præter-
ea hoc, quod si leges attineant suis ne-

xibus sumnam potestatem necesse sit eas esse latas aut à superiori aliquo, aut ab æquali aut à subditis, at neutrum ex his rationes sanè inevidenti sunt, quia à superiori aliquo non potest habere cum neminem superiorem præter Deum agnoscat, quod jam superioribus ad naufragium usq; evictum est. Deinde quod summum est, tale quid, cui æquale sit jus ac potentia, pati nequit, quia si illi quod summum est adjunxeris æquale, duo erunt summa, jam vero duo absolute summa dari non possunt, itaq; neutrum erit summum, quod detestatur sanæ Majestatis ratio. Si vero inferiores ut quibusdam somniare placet, Principi leges ferrent, planè idem esset quod leonibus lepores leges tulisse olim fabulabantur.

MOMENTUM VI.

Divisionem Majestatis in Realem & Personalem examinabit huicq; simplici discursui ultimam manum imponet.

Vulgariter Majestas dividi solet in Realem quæ alio nomine vocatur regni reipublicæq; coæva ac perpetuo inhæ-

iuhærens esse dicitur, & in Personalem
seu eam quæ personæ confertur & cum
illa rursum interit realiꝝ majestati ob-
noxia aꝝq; subiecta appellatur. Verum
quam noxia & periculosa sit illa distin-
ctio præcipue Imperantibus, ei satis con-
stabit, qui vel ex limine salutavit tem-
porum historias, apertissime namque
id edocet Anglorum regicidium, quod
non alio speciosiori fundamento, quam
fictitiæ ab ejus auctoribus Majestati re-
ali unicè nitebatnr, de qua plurimi do-
cti scriptores utpote *Salmasius*, in de-
fensione Regia & alii causam Caroli
Regis Magnæ Britanniæ innumeris
scriptis defenderunt. Deinde vix u-
nus reperitur qui hanc distinctionem
recte explicaverit, quâ de re egregie
loquitur Magnus ille Theologus Joh.
Gerhardus in' loco de Magistratu po-
litico §. 123. *Cavendum ne hac distinctione*
abutantur seditioni Regicide, qui asti-
mant Reges & Principes impunè violari pos-
se absq; Majestatis violatione. Vacillat enim
ut verbis Clar. Bæcleri utar, hujus di-
stinctionis explicatio, imprimis in hoc,
quod

quod ordo aliquis semper debet dari in
respectu ad aliquod primum & sum-
mum quod solum debet esse ac unicum,
jam vero positis hisce ambabus, duo e-
runt summa à quo abhorret natura;
nec potest illa diversitas demonstrari
in republ. aliqua Democratica, ibi e-
nim Majestatis subjectum idem esse
omnes necessum habemus fateri. De-
inde si Majestas realis confisteret ut di-
cunt in legibus imperii fundamentali-
bus, certo certius evaderet eam, mu-
tatâ reip. illius formâ corruere. Cæ-
tera commenta quæ sibi fingunt hujus
distinctionis Patroni, jure meritoque
transgredior firmiter statuens, distin-
ctionem illam non planè rejiciendam
esse, modo accurate considerentur ac
rescindantur periculosa quæ inde oriri
solent consectaria, utpote: in regno
pleno & absoluto manere semper Ma-
jestatem populi & ab eo Reges si deli-
querint aliquid, ē solio suo dejici ac re-
moveri posse, nec non omnem pote-
statem regiam non solum sub ortum
suum sed per totum regni tempus pen-
dere

pendere à populo, & id genus alia, hoc-
que pro vero habeatur quod quam pri-
mum potestas confertur in personam
Regis absoluti & super omnia consti-
tuti, desinat majestas realis ac evane-
scat, & cum in regno propriè sic dicto,
sive sit Electivum, sive Successivum,
moritur Rex , majestatem realem
ad imperium redire, ejusque arbitrio
posse extra omnem controversiam
est : & sicut realis illa majestas in
personalem est absorpta nec revivi-
scit nisi casu prædicto, ita manente re-
ali Majestate, nulla datur vera perfo-
nalis sed fiduciaria, sed precaria & ima-
go tantum ejus respectu administratio-
nis & curationis, ex titulis enim non
debet æstimari aliqua potestas. Hæc
itaq; iam sunt quæ pro ingenii tenuitate
de hac materia omnium consensu au-
gustissima alata sufficiant, & quamvis in-
genue necessum habeo fateri, multa ad-
huc restare quæ circa eam ulteriorem
discussionem mereri videntur, qualia
sunt : Majestatis jura quæ in Ecclesia-
stica

itica & secularia dividere solent Politi-
cī scriptores, ego tamen brevitatis
temporisq; ratione' habitā hisce omni-
bus supersedeo, angustioraq; ingenii
vela] jam jam contraho, omnes corda-
tos hac in re licet eruditio & scientia
defecērint, conatum tamen & navatam
operam candide adspecturos meamq;
simplicitatem ac præcipiantiā in me-
liorem partem interpretaturos
certo confidens.

SOLI DEO GLORIA.

